

n.º 27

AETIANARVM EXERCITATIONVM SPECIMEN

AMPLISSIMI PHILOSOPHORVM ORDINIS
AVCTORITATE

A. D. XXVI. MARTII A. CICI CCCXCI.

H. L. Q. C.

AD DISPUTANDUM PROPOSUIT

CAROLVS WEIGEL

LIPSIENSIS

LL. AA. M. M. B.

ASSVMTO SOCIO

LEOPOLDO REINHOLD


LIPS.

MED. BACC.

Lipsiae,

ex Officina Tüubeliana.


H. D.


Quum praeter ¹ *Freindium* nemo eruditorum de
Aëtio accurate disputasset, cepi egomet consilium
hoc, vt, quae ad illius vitam, instituta, doctri-
nam, alia, pertinerent, ea curiose colligerem, et per
hanc exercitationis academicae opportunitatem euulgarem.
Ad hoc consilium persequendum summorum duumuiro-
rum *Photii* et *Boerbauii* auctoritas me impulit, quos de
Aëtio honorifice sensisse reperissem. Atque ille quidem
in *Myriobibl.* sic: ὅς γὰρ τὰς ἰάσεις νόσων ἀπελάσεις ἐλο-
μένοις ἐμφανίζειν δι' ἔργων, τὸ το βιβλίον ἐπιμελῶς μεταχει-
ρίζεσθαι δεῖ, καὶ τὴν σχολὴν εἰς αὐτὸ συντεταγμένην ἔχειν, καὶ
ὁ γὰρ πεισθεὶς τῇ παρακίνεσει ἐν αὐτῇ τῇ πᾶσι τὸ κέρδος εὐρήσει.

A 2

Hic

¹ *Hist. med.*, p. 21. sqq. ed. Lugd. Batav. 734. 8. Manca enim
sunt quae habent *Fabricius* in *bibl. Eloi* in *Dictionnaire*
etc. *Kestnerus* in *bibl. med.* *Hallerus* in *bibliothecis*
et *cel.* *Blumenbach* in *hist. med.* Taceo imperfectiora
Clerici, *Schulzii*, *Goelicii*, *Blackii* etc.



Hic autem in ² Meth. Stud. med. ita pronunciat: „Quoties quis uult de morbo quocunque scribere, semper in indice prius euoluat *Aëtium*: nullus enim est scriptor, ex quo possumus discere, quid *Hippocrates* et *Galenus* de morbis censuerit, quam ex *Aëtio*. Nam uti *Iustinianus*, cum pandectas iuris peritorum colligeret, iussit prius euolui omnes scriptores, sic fecit *Aëtius*, in illo enim infinitos inuenimus auctores, quos ignoraremus.“ Illud quoque ex his intelligitur, optime nostris studiis consuli, si, in materiam medicam inquirentes, ex *Aëtii* fonte limpido, prius hauserimus, quam ad riuulos istos barbarorum medii aevi hominum, abeamus.

I. AETII PATRIA.

Manuscripti ³ codices et ⁴ *Photius* testantur *Amidenum* Aëtium fuisse. *Marfilius* quidem ⁵ *Cagnatus* haud mediocris ponderis momenta affert, quibus et si non euincat, certe coniecturam probabilem reddat, *Abydenum* legendum esse. Abydum enim arbitratur urbem ab *Obficio*, cui praefuisse nostrum deinde patebit, fortasse non valde distantem. Legi quoque apud *Paullum Diaconum*, ab *Iustiano*

² p. 432. ed. Lond. 1728. 8.

³ Fabric. Bibl. graec. Vol. VIII. p. 319.

⁴ Myriobibl. p. 566. Cod. 221.

⁵ Variarr. observatt. l. IV. c. 17. p. 327. ed. Rom. 1587.

niano Slauinorum copiam ad se confugientium, in partibus Obficii, cum per Abydum transfretasset, constitutam esse. Ipse vero *Cagnatus* cum adiungat, quemque debere suo arbitratu de hoc decernere, cumque nobis quidem videatur, haudquaquam licere, a tanta codicum copia et conspiratione, sine grauioribus argumentis discedere, in recepta illa ac vulgari opinione, *Amidenum Aëtium* vocandum esse, persistimus.

Amida vero fuit oppidum Mesopotamiae, Tigri fluuii vicinum, quod forsitan ab vno auctore nostro, quem progeniuit, nominis famam deriuauit. Iisdem temporibus quibus *Aëtius* vixit, fertur patrium hoc eius oppidum a Persis, Cofröe sceptrum gerente, oppugnatum et vastatum fuisse, teste ⁶ Procopio aliisque. Nostris temporibus oppidum in veteris illius ruinis aedificatum, simillimo nomine: *Caraëmid* s. *Diarbek*, eius vero circulus, dicitur *Amid*.

Alius circa patriam error, in quem, quin ⁷ *Tiraquelus* delaberetur, parum abfuit, originem sine dubio duxit ex corrupto ⁸ *Paulli Aeginetae* loco. Sic enim auspicatur
librum

⁶ I. B. Montanus in praef. ad edit. Aetii. Basil. apud Froben. 1535. fol.

⁷ De nobilitate p. 232.

⁸ Lib. IV. c. I. p. 131. ed. Basil. 1538. foi.

librum operis quartum: Ὁρθῶς οἶμαι τὸν Καππαδόκην Αἰτίον εἰπεῖν μέζονα τῶν νόσων κ. τ. λ. Cum vero verba eadem, quae iam sequuntur apud ⁹ *Arctaeum* legantur, facile emendari ille locus posse videatur. Alii denique, iique non pauci, *Antiochenum* nostrum vocant, dum cum aliis permutant eiusdem nominis; de quibus postea sermo erit.

AETII AETAS.

De aetate, qua vixerit *Aëtius*, certum aliquid atque definitum statui nequit, nisi ad ipsius opera mentem transtulerimus. Scripsisse ante ¹⁰ *Alexandrum Trallianum* ¹¹, *Theophilum Protospatharium* ¹², *Paulum* denique *Aeginetam*, extra omnem fere dubitationis aleam positum esse videtur. Hinc itaque saeculo VI iunior assumi haud potest.

Videamus, an non vetustior sit? Praeter quarti saeculi auctores, velut *Didymum Geoponicum*, *Xenophilum*,
Antyllum

⁹ De cur. morb. diut. lib. I. c. 2. pag. 116. ed. Boerhav. 1731. fol.

¹⁰ Citat. Aetium p. 779. ed. Basil. 1556. 8.

¹¹ Hic enim manifesto Heraclio imperante vixit, cum Stephani Atheniensis fuerit praeceptor.

¹² Licet expresse nullibi nostrum laudet et tamen fateatur, se Oribasio usum fuisse, patet tamen maxime ex tractatu de oculorum morbis, quantopere Paulus saepe nostrum transcripserit.

Antyllum chirurgum, *Iamblicum* (aliud quidem ac biographum Pythagorae), *Philagrium Epirotam* et *Possidonium*, laudat quoque innumeris locis *Oribasium Sard.* Iuliani imp. medicum et amicum, *Marcellum Empiricum* Theodosii M. archiatrum, *Theodorum Priscianum* s. *Octavianum Horatianum* coaeuum fere prioris, et, quod praecipue notatu dignum videtur, *Adamantium Sophistam* ab illo merito dictum, coaeuum Honorii Imp. quique in suis physiognomicis ¹³ *Polemonem* transcripserat: praeterea *Cyrillum* Alexandriae Patriarcham, qui versus annum CCCCXLIV demum mortuus esse perhibetur. — *Petrum*, Theodorici Gothorum regis archiatrum, defuncti IOXXVI. — ¹⁴ *Maioranum* qui Rauennae imperio potitus circa annum CCCCLVIII fertur, cuiusque *Siceum* emplastrum contra podagricos dolores commendat. — *Vcbolinum* quendam, cuius medicamentum ad tussim habet; *Ioannem* iuniorem, qui et apud Cassiodorum occurrit; *Timotheum*, medicum Iustini Imp. Iustiniani antecessoris; *Iacobum* denique *Pfysicristum* Alexandrinum, Leonis Imp. Archiatrum. — Inter hos quidem *Timotheus* et *Petrus* archiatri

¹³ Quod in quibusdam MSS. ipse ingenue fatetur b. Franz praef. ad Physiogn. vet. Altenb. 1780. 8.

¹⁴ De hoc exstat locus apud Reinesium varr. lectt. Lib. III. c. 2. p. 344. — Idem videtur hic Maioranus cum Marliano, Martiano, Mariano, qui toties occurrunt.

archiatri Theodorici, ceteris iuniores videntur. Ille enim tertio decennio saeculi sexti, hic autem vel ad quartum usque eiusdem saeculi decennium vixerit, si verum est, quod *Procopius* de eodem narrat, Iustinianum nempe *Petrum* ad Cosroën misisse legatum.

Si itaque medium tempus inter aetatem *Alexandri Tralliani*, qui floruit decennio sexto et Petri istius, qui quarto demum decennio legatus ad Cosroën mittebatur, *Aëtio* nostro tribuendum est, scripsisse illum patet inter 10XL et 10L tempore Iustiniani: coaeuus praeter *Alexandrum Tr. Vranio*, *Stobaeo*, *Procopio*, *Agathia*, *Simplicio*, *Triboniano*, *Cassiodoro*, etc.

Non defuerunt quidem, qui antiquiorem nostrum facere studerent, sola inducti synonymi, quae nostrum inter et haeresiarcham quendam obtinet. De hoc postea sermo erit; hic modo animaduertam, tantum abesse, ut probabilitatis aliquid haec opinio habeat, ut potius maxime inuito auctori nostro remotiorem antiquitatem tribuat: id quod e multis operum eius locis patet. In optimis quoque et plurimis ¹⁵ codicibus legitur titulus *Comes Obsequii* (*Kóμης Ὀψυλίας*) qui secundum ¹⁶ Fabricii auctoritatem, vix

ante
¹⁵ Sic et tres illi Codd. Bibl. reg. Par. habent, quorum lectt. varr. exempla possidet C. G. Ernesti Philos. Prof. celeberr.

¹⁶ Bibl. graec. Vol. VIII. p. 319.

ante Iustiniani tempora, aut, vt cum ¹⁷ *I. B. Montano* loquar, vix ante barbarorum illuuiem apud idoneos auctores reperitur. Neque video, vndenam gentium hoc munus antiquius esse possit, imperio diuiso in orientem et occidentem, neque legitur apud vllum auctorem ante *Epiphanium* et *Gregorium Nazianzenum*, qui Constantino M. senescente scripserunt.

Cornarius delabatur itaque in grauem errorem, qui non solum aetate supparem *Oribasio* reddere satagit *Aetium*, sed manifeste quoque confundit cum haeresiarcha illo. — Neque tamen ab hallucinatione immunis est *I. B. Montanus*, qui licet contrariam tueatur sententiam, perperam tamen *Paullo Aeginetae* coaeuum reddere nostrum studet, cum neutrum alterius meminisse contendat.

VITAE GENVS.

Medicinam se exercuisse pluribus ipse locis aperte fatetur: quare a grege eorum, qui *Celsi* auctoritate ducti, medicam artem ex veteribus tantum collegerunt, nonnisi subinde iudicio suo interposito, plane secernendus est *Aëtius*. — Artis Salutaris praecepta hausisse se ipse narrat ex ea, quae *Alexandriae* floruit, schola, quae tunc temporis ad diram tyrannidem Arabum vsque mirum in modum celebrabatur. *Alexandriae* se praeparasse ¹⁸ *oleum nardinum* aliaque multa remedia perhibet. — Nisi haec ipse

¹⁷ Praef. ad *Aetii* ed. Basil. 1535. fol.

¹⁸ *Tetrab. I. ferm. I. p. 107. ed. laud.*

ipse fassus fuisset, multis tamen argumentis, in Aegypto eum vixisse, liceret comprobare. Lepram enim, cuius veluti patria Aegyptus est, egregie describit, eoque modo, vt, *ἀντίπτην* fuisse testem horrendi istius morbi, credibile sit. Praeterea occurrunt innumera Aegyptiorum pharmaca pretiosa, velut *Danai Nicofrati*, quae suo tempore enormibus pretiis Constantinopoli vendebantur. Superstitio quoque et carminum delectus, qui apud nostrum extat, testantur, eum in Aegyptiorum scholis didicisse has artes: quae quidem gens primam dedit originem, coniuncta Pythagoraeorum cum Persarum religione, doctrinae, quae ¹⁹ *Neo-platonicae* nomen mox adepta est: quemadmodum eidem magia, alchemia, theosophia ceteraeque filiae systematis Neoplatonici debentur. Deinde *Dracunculum* siue *venam Medinensem*, quae tantum in Aegypto et Arabia grassatur, vberius describit. — Nympharum muliebrium circumcisionem habet in Aegypto maxime vulgarem; menses denique Aegyptiorum more et nomine insignit: *Tbot*, *Phaopbi*, *Athyr* etc.

Christianum fuisse *Aetium*, ex ipsa aetate concluderes; sed aperta comparent in ipso opere indicia religionis Christianae.

¹⁹ Cf. qui fufius de ea egere Bruckerus in hist. crit. Philos. T. II. p. 189. sq. G. E. Hebenstreit diff. de Jamblichi, Phil. Syri doctrina etc. Lips. 1764. 4. *Histoire critique de l'eclectisme, ou des nouveaux Platoniciens* 1766. *Meiners Beitr. zur Gesch. der Denkart der ersten Jahrhunderte nach Christi Geb. in einigen Betrachtungen über die Neu-Platonische Philosophie*, Leipz. 1782. 8. et Car. A. Keil (praeeptoris summe colendi) progr. Lips. 1785. 4.

stianae, licet superstitione foeda contaminatae. Quod praeprimis patet ex Tetrab. II. Serm. IV. C. 50, vbi formulam exhibet, qua, si quis incautior spinam deglutierit, vtatur ad illam extrahendam: ὡς Ἰησὺς Χριστὸς Λάζαρον ἀπὸ τάφου ἀνήγαγε, καὶ Ἰωαννὲν ἐκ τοῦ κήτους λέγει, κατέχων τὸν λάρυγγα τῷ πάσχοντι· Βλάσιος ὁ μάρτυς ὁ δούλος τῷ Θεῷ λέγει, ἀνάβηθι ὅσταν ἢ κατὰβηθι. — Ibidem occurrunt verba: τέτο τὸ φάρμακον μέγα ἐστὶ Κυρίε ἡμῶν μυστήριον. Absurda enim illa lues, summam indicans barbariem ingenii, quae vt in aliis, ita in corporis malis auxilium Dei immediatum efflagitat, iam a quarto inde saeculo mira ceperat incrementa, donec vniuersa ars medica ad farraginem absurdorum antidotorum, carminum religiosorum et imprecationum detrufa, clericis solis committeretur.

Ad fidem codicum Mss. et *Photii*, honore noster functus est in Aula Constantinopolitana, qui *Comitis Opsequii* (Καμης Οψικίε) dicitur. Neque mirum eo aeuo medicos titulis plane alienis gloriatos fuisse, cum et nostris temporibus satis frequenter fiat. Habemus ex istis saeculis *Theophilum Protospatbarium* h. e. cohorti praetorianae praefectum, dictum, habemus *Simeonem Sethum*, Michaelis Ducae vestiarius; habemus *Joannem Zachariae* filium *Actuarium* dictum, legatum Andronici Palaeologi ad Russos Hyperboraecos, vt innumeros eius aevi episcopos et Patriarchas medicos silentio transeam.

Quale autem proprie fuerit munus *Comitis Obsequii* apud Byzantinos, aperte docet ²¹ *du Cangius*. Tradit nimirum ex veteribus auctoribus *obsequium* curialem fuisse pompam, cohortem, quae Imperatorem vbique circumsteterit: *Comites* autem generatim aulae imperatoriae et palatii proceres. Apud *Epiphanium* et *Gregorium Nazianzenum* primum occurrit haecce dignitas, tanquam cohorti praetorianae ²² praefecti. An noster, quod ²³ *Labbaeus* contendit, cum exercitu sit missus ad Gothorum regem debellandum, id vero stabilibus plane nullis nititur historiae argumentis.

Deinde vero adsunt alia, minorem fidem merentia, quae de vitae genere traduntur. Ipse quidem se praeceptorem habuisse refert Lucium, eo quidem loco, quo emplastrum eius ²⁴ mollitorium commemorat: nexus vero omnium, quae in hoc capite occurrunt, manifeste docet, non *Aëtii*, sed veterem illum, *Asclepiadis Bithynii* praeceptorem esse intelligendum, cum per totum caput *Asclepiadis*

²¹ Glossar. med. et inf. latinitat. T. II. P. II. p. 707. T. I. p. 432. 437, ed. Basil. 1762. fol.

²² Vide Vinkii *amoenitat. medicas* — Notitiam generalem utriusque imperii dignitatum cum Pancirolli comment. Genev. 1623. — Constantini Porphyrogenetae de thematibus libr. Acta Sanctor. Junii T. I. p. 760. *Montfauc.* Diar. ital. p. 78.

²³ Biblioth. manuscript. Tom. II. pag. 597. ed. *Fouquet* Paris. 1657. fol.

²⁴ *Tetrab.* VI. Serm. III. c. 14. p. 490. ed. cit.

piadis medicamina enumeret. Tale quid iam suspicatus est ²⁵ *Hallerus*: qui tamen ²⁶ alio loco *Sopolin* vocat nostri magistrum; nouo quidem errore. Ex sequentibus autem constabit, minime Amideni, sed alterius Antiocheni, haeresiarchae praeceptorem fuisse *Sopolin*. Neque audiendus ²⁷ *Merklinus*, qui discipulum nostrum facit Eunomii cuiusdam, iterum seductus a synonymia haeresiarchae.

Suspecta quoque sunt, quae apud ipsum ²⁸ auctorem exstant, quod nempe gagatem lapidem ex Coelesyria propter Hierichuntem apportauerit, vbi quoque bitumen Sodomaeum proueniat: suspecta sunt, inquam, cum constet *Galenum* ibidem iam gagatem inuenisse. Plura omnino testimonia occurrunt, quibus euincitur, nostrum *Galeni* verba saepe sua facere.

S Y N O N Y M I.

Cum praeter ea, quae iam ad vitae genus auctoris nostri retuli, nihil fere de eodem exstet, proprie huc pertinet, vt ab aliis eiusdem nominis discernere ipsum doceamus.

²⁵ Biblioth. botan. T. I. p. 159.

²⁶ Bibl. med. pract. T. I. p. 294.

²⁷ Linden. renou. p. 17. — Hic liber, qui ad chronologiam et biographiam auctorum pertinet, tot tantisque scatet grauissimis erroribus, ut comparari fere cum nullo alio possit. — Aëtium facit Paulo Aeg. iuniorem, et tamen Constantino M. coaeuum!

²⁸ Tetrab. I. serm II. c. 14. p. 367.

mus. Singulare enim illi contigit hoc fatum, ut fere semper cum aliis cognominibus confunderetur.

Qui quidem sacpissime ipsi substituitur, est *Aetius Antiochenus* dictus. Aurifaber hic primo in patria vrbe, deinde *Sopolidis* medici famulus, ipsi arti medicae initiatus. Posthaec *Arii* haeresin amplexus cum *Eunomio* discipulo, *Eunomiorum* sectae nomen dedit. Haec refert ex *Suida*, *Nicephoro* et *Philostorgio* ²⁹, *Fabricius*. Mortem Antiocheni ad annum CCCLXVII referendum docet *Eunapius* in vita *Aëtii* Antiocheni: ex qua *Raphael Volaterranus* vberiora excerpta dedit, utrumque tamen auctorem et ipse commutavit. — ³⁰ Exstant quoque apud, ³¹ *Mont fauconium* pauca *ἀνέκδοτα* huius viri: Sic in bibliotheca Vaticana: *Aëtii epistolae, qui Eunomii doctor fuerat*; in bibliotheca Scorialensi: *Orthodoxi contra Eunomium dialogus, cuius initium ab impii Aëtii epistola ducitur*.

Alium *Aetium* ab his plane diversum habent ³² *Theodoretus*, qui illum scripsisse ait συναγωγὴν τῶν ἀγροκόντων τοῖς Φιλοσόφοις. Refert idem *Theodoretus* plura ex *Aëtio*, ut ex *Plutarcho* et *Porphyrio*, qui de iisdem argumentis scripserunt. Ethnicum fuisse testatur. *Aetium* Ephorum Palaestinae habet *Philostorgius*. *Aetium* Praefectum urbi

Con-

²⁹ L. citato, Comment. vrbap. L. XXXVIII. 1703 fol. p. 452. Re-

prehenditur a I. B. Montano in praef. ad Aëtii editionem.

³¹ Biblioth. Manuscriptorum nou. T. I. p. 12. 619. ed. Par. 1739. fol.

³² Hist. ecclesiast. l. I. c. 5.

Constantinopolitanæ, percussum a. CCCCXIX: alium
 ὑποστρατηγὸν sub Valentiniano, comitem et quater consu-
 lem: alium denique archidiaconum Parisiensem, habet ³³
Fabricius. ³⁴ *Hendreichius* denique memorat *Aëtium*
 Sicanium, ad quem pars fragmenti περὶ μελαγχολίας quod
 vulgo Galeno tributum, in ³⁵ Basileensi collectione exstat,
 a *Fabricio* refertur.

AETII DOGMATA.

Quodsi *Aëtius* non nisi * compiler corum fuisset, quæ
 ante ipsum scripta erant, eo negotio non mediocriter de
 arte sua meritus perhibendus esset. Namque eum, qui
 fata medicinae omnis ævi contemplatur, æque oporteret
 suspicere tale opus, ubi deperdita priorum sæculorum,
 vel ad partem tantum seruata leguntur, ac medicum quem-
 que, qui quid recentiores de hoc vel illo morbo aut reme-
 dio sciuerint et adhibuerint, indagavit. Huc accedit
Aëtium illos quoque auctores, qui adhuc supersunt, in
 compendium redeigisse, ut facilius sit, nostrum, attico quip-
 pe, stylo vsum, adire, quam ad Asiaticam illam, pompo-
 samque vt ita loquar, dictionem nonnullorum antecesso-
 rum, præsertim Galeni confugere.

Galeno prae ceteris vsum fuisse, quæuis fere pagina
 docet. Plerumque non absque iudicio illum exscripsit: imo
 clara nostri dictio et distincta valere plus videtur, quam

Galeni

³³ l. c. p. 330. ³⁴ Pandect. Brandenburg. apud Fabric. l. c.

³⁵ Tom. IV. p. 496.

* Id methodicis solemne fuisse recte obseruat cel. Ackermann
 in l. infra laudando.

*Galen*i fusus sermo. Non tamen negandum, saepius nostrum sui dissimilem videri; modo enim verbotenus repetit loca *Galen*i, modo lectori illudit, simulando sua esse, quae ex *Galeno* sumferat. Huc pertinet ³⁶ ozaenae sanandae ratio: notitia bituminis ³⁷ Sodomaei ³⁸: stercoris canini laus a praeceptore suo accepta, aliaque *Galen*i inuenta, quae tanquam sua praedicat. Haec forte fuit ratio: cur *Galen*i simia a quibusdam salutaretur. — Nonnunquam tamen sua a Galenicis seiungit, ibique *Galenum* honoris causa nominat, velut in recensione experimentorum, quae circa ³⁹ thymum instituerat. Nec fieri poterat, quin multis in rebus recederet a ⁴⁰ *Galeno*, cum methodicae sectae addictus potius fuerit, quam Galenicae; de quo postea dicetur.

Praeter varia minora fragmenta, vel coaeuorum, vel antecessorum suorum, reliquit nobis ex *Demosthenis Massiliotae* libris de oculorum morbis varia excerpta, quae satis memoratu digna videntur: praeterea multa habet ex *Leonide*, *Marcello Sidite*, Hadriani coaeuo, *Apostophane Stoico*, Seleuci et Antiochi contemporaneo, quae alioquin penitus fuissent deperdita.

ipse

³⁶ Tetrab. II. serm. 2. c. 92.

³⁷ Tetrab. II. Serm. 2. cap. 49. p. 382.

³⁸ Tetrab. I. Serm. 2. cap. 11. p. 428.

³⁹ Tetrab. I. Serm. 1. p. 134.

⁴⁰ De dissensu Aetii et Galeni, circa phlebotomiam legere exstat: *Garciae Lopii* lib. de varia med. lectione (cap. 17. p. 55.) Antwerp. 1564. 8.

Ipse autem, ad quamnam sectam se pertinere confessus fuerit, si rite indagaueris; ex assidua ipsius lectione clare elucebit. Nimirum *Methodicus* fuit, ita tamen, ut multum suae doctrinae admisceret Philosophiae, vel potius Pseudophilosophiae ⁴¹ Neoplatonicae. Floruit enim id genus sectarum per totum saeculum quintum praesertim Alexandriae: grata erat Methodicorum doctrina hominibus eius aevi, quippe quae neque philosophiae intimiorem cognitionem, neque anatomicam, neque amplam experientiam requireret. Contenti suis *communitatibus*, ad quas omnia referre conabantur, nil aliud moliebantur, quam ut indicationes suas, neque ad dogmaticorum obscuras causas, neque ad locorum affectorum conditionem, neque ad theoriam quamcunque, sed solummodo ad communitatum dichotomiam conformarent. Sicut enim illud *Bagliuii* immortalis dictum: „*in medicina multa scire oportet, et pauca agere*, cum *Hippocratis* aphorismo egregie congruit, quo inde ab omni aeuo quiuis rationalis medicus confusus est; ita adhaeserunt methodici, praesertim seriores, contrariis penitus sententiis, atque decretis: *pauca scilicet scire oportere, et artem breuem esse, vitam longam*.

Ea theoria medica generali quidem erui nequit, fueritne *Aëtius* methodicus, an minus. Sufficere debent theoriae particulares et methodus medendi. Theoriam actionis

⁴¹ Astrologum fuisse nimis credulum nostrum, patet ex *Trab. I. Serm. 3. cap. 163.* quod

περὶ ἐπισήμασις ἀστέρων inscriptum a Dion. Petauio suo operi est insertum.

nis medicaminum in sola vere adstrictione, praeter humiditatem, siccitatem, calorem et frigus, exstruxit; a gustu autem et odore communitatem diiudicat. Peramplius est in his qualitatibus sic dictis primariis, earumque gradibus definiendis, et cum temperamento corporis ⁴² comparandis. — Venae sectionem stricturae opponit tanquam relaxans: contrarios esse eidem morbos a laxitate et constitutione corporis ⁴³ laxa. — Si autem praesertim consilia eius ad podagram curandam rite ⁴⁴ consideraueris, manifeste patebit, non solum austerum diaetae genus, per plures dies commendasse, sed et ⁴⁵ *circulum* verum *metasyn-criticum* siue resumtium methodicorum in scenam duxisse. Cum enim in *συγκρίμασι* elementorum et qualitatum corporis antiqui methodici ponerent totam constitutionem et sanitatem, post applicata remedia sueta conabantur *σύνκριμα* ipsum immediate restituere, vel *drimypbagia*, sine acrium usu, quae valide alterare corporis constitutionem solent, vel reiteratione diaetae austerae iam prius adhibitae.

Quod attinet ad specialem partium artis nostrae singularem cognitionem, iniurius est in Aëtium ⁴⁶ A. O. Goelikius, inutilis historiae medicae scriptor, qui expertem eum penitus *anatomia* et *physiologia* fuisse dixit. E supra quidem positum patebit, ipsum ex more methodicorum, neuquaquam neglexisse corporis humani cognitionem; ne-

C 2

que

⁴² Tetrab. I. Serm. I.

tragen zur Gesch. der Empyriker in Wittwers Archiv. T. I. S. 2.

⁴³ Tetrab. II. Serm. I. c. 71.⁴⁴ Tetrab. III. Serm. 4. c. 46.⁴⁵ Hist. med. pag. 103. ed.⁴⁶ de hisce Methodicorum

Frcf. 1738. 8.

circulis cf. cl. Ackermann in Bei-

que tamen deest in ipsius scriptis, ex quo aliquid in historia anatomes profici queat. Sic *antiades*, glandulas submaxillares, merito discriminat a parotidibus, singularum affectus figillatim ⁴⁷ recensens. — Vterum muliebrem vberius describit pro saeculi istius cognitione: cotyledones habet in muliere multo minores quam in bestiis, quas ut peruestigemus, zootomiam sedulo instituendam ⁴⁸ suadet. — Ceterum physiologia eius fere tota ea est, quam *Galenus* eiusque schola docuerat, paucis modo additis. — Ipsi vero debetur *semiotice physiologica*, quam ⁴⁹ exhibet singulari plane instituto, quo nemo, quantum memini, ante eum usus est. Singula viscera persequitur, velut cerebrum, cor, pulmones, ventriculum, intestina, hepar etc. et cuiusvis ad theoriam *Galenii* et methodiorum temperiei frigidae calidae, humidae, siccae, strictae et laxae notas et signa suppeditat. Optandum sane esset, ut similitudine recentiores, tot cognitionibus locupletati, quibus carebat *Aëtius*, semioticen physiologicam colerent. Mihi quidem videtur, si nihil aliud, historiam certe medicam insignia incrementa ex hac *Aëtii* disputatione haurire posse.

Pathologia Aëtii fere omnis ex Galeno desumpta est, nisi quod ad methodicos non parum vergit; praeterea varias habet novos morbos, quos quidem Pergamenus nondum ⁵⁰ cognovit. — Febrem quidem definit ita, ut sit calor

C 2

lor

⁴⁷ Tetrab. I, serm. 2. c. 89.
p. 352. Serm. 4. c. 42. p. 731.

⁴⁸ Tetrab. IV. Serm. 4. c. 1.

⁴⁹ Tetrab. I. Serm. 4.

⁵⁰ Hinc *Conciliatorem* eum iure appellavit I. C. Scaliger in Arist. de animalib. pag. 37. ed. Tolos. 1619. fol.

lor praeter naturam cordis et arteriarum, vitalem firmitatem laedens, ex profundo emergens et acris ac mordax ad tactum ^{s1} allabens. Februm diuisionem et theoriam fere eandem, quam Galeni deprehenderis: sic quoque ceteri morbi tractantur. — Peculiare autem est *Aëtio*, quod Galenus quidem iam molitus erat, sed nondum perfecerat, discrimen februm intermittentium, in ipso paroxysmi initio faciendum, cum diceret, differe rigorem tertianae a quartanae febris rigore in eo, quod in tertianis pungi ac vulnerari corpus videretur. Nam in quartanis inuasionem perfrigerio vehementi esse praeditam et magis in profundum saeuire. In quotidiana vero neque rigorem omnino procedere, sed magis aegros circumfrigefieri ^{s2} — Non negligenda sunt, quae de resolutione partium exposuit, quo in capite et discrimen inter syderationem et resolutionem ponit. — Elephantiasin egregie descripsit, melius ^{s3} Galeno, licet *Henslerus* monstrauerit, ex *Archigene* plurima nostrum mutua accepisse, quae de hoc malo protulit. Singula horrendi huius mali phaenomena, singulasque varietates melius ^{s4} exhibuit, quam qui ante eum id malum depinxerunt. — Oculorum morbos vberime tractauit, et, Cnidionum more, magna, immo taediosa fere subtilitate; triginta enim numerat species, et in quauis specie multiplicem suadet methodum. ^{s5} Tabem pupillae habet, siue eam praeternaturalem angustiam, quam

adempta

^{s1} Tetrab. I. Sermon. 1. c. 7.

^{s3} *Hensler vom Ausfatze im Mittelalter* S. 203. 207.

^{s2} Tetrab. II. Sermon. 1. c. 79.

^{s4} Tetrab. IV. Sermon. 1. cap. 130.

Tetrab. II. Sermon. 2. c. 27. 28. Insignia sunt quae hac in sermone de neruorum affectionibus habet.

^{s5} Tetrab. II Sermon. 3.

adempta penitus irritabilitate, et debilitate, summa tunicae
vuae pendere ⁵⁶ pronunciauerit. Lippitudinis multas
enumerat species, quas bene quidem distinguit, quarum-
que signa egregie ⁵⁷ indicat. — De morfu ⁵⁸ venenato
tam ample fufequae exposuit vt similem tractatum in tota an-
tiquitate fere nullum reperire liceat. His quamuis super-
stitiosa et incredibilia multa immiscuerit, bonam tamen
esse collectionem, nemo certe negabit.

Famosum quoque illum morbum, *Lycanthropiam* ita
⁵⁹ tractauit, vt, qualis proprie fuerit, inde satis aperte e-
luceat. Primo quidem titulus ipse *ex Marcello*, monstrat
Marcellum illum *Siditen*, qui Hadriano Imp. libris XLII.
carmen heroicum de morbis composuerat, esse verum hujus
capitis auctorem. Hinc quoque poeticae multa esse sumenda.
Deinde vero descriptio ipsa docet, nil praeter insaniam
vulgarem hic adesse. Februario quidem praecipue haec
insania repetere insultus solebat, quo mense coelum pluuium
ac nebulosum iisdem fauet. Quod vero *Aëtius* de aperi-
undis per insanos sepulcris loquitur, id ad locum corru-
ptum reduci posse, egregie iam monstrauit ⁶⁰ *Freindius* sic-
ut quoque *Lycaonii* morbi appellatio apud Paullum Aegi-
netam, ⁶¹ nil aliud est, quam contractio *Λυκάινθρονος* in
Λυκάινθος. — Dracunculum s. *Gordium Medinensem* primus
post ⁶² *Leouidem*, eoque modo descripsit, vt non
nisi pauca addere possimus. Vtramque habet speciem quam

Abul

⁵⁶ Tetrab. II. Serm. 3. c. 53. 85 .10. ed. Leid. 1727. 4.

⁵⁷ c. 74 — 77.

⁵⁸ Tetrab. IV. Serm. 1.

⁵⁹ Tetrab. II. Serm. 2. c. 11.

⁶⁰ *Histoire de la med.* J. I. p.

⁶¹ Lib. III. c. 16. Cf. Reine-
sii var. lect. 1. 1. c. 16. p. 62.

⁶² Tetrab. IV. Serm. 2 c.

Abul Casem ⁶³ descripsit. — Calculus vteri quoque occurrit apud Aëtium ⁶⁴, qui a nuperis anatomiae pathologicae scriptoribus multo diligentius descriptus ⁶⁵ legitur.

Praxis ipsa *Aëtii* theoriis quidem haud digna superstructa videtur, quas protulisse ipsum antea diximus: Methodicorum, deinde vetularum et circumforaneorum ratio. Remedia sua fere nunquam transfert ad specialem morbi disquisitionem. Saeculi sui genium sequitur: hoc vnum tum temporis in institutis omnium medicorum erat, vt farraginem medicaminum vndeque contra omne morbi genus corraderent, quibus ad illudendum vulgus vti possent. — Hoc aeuum fuit *arcanorum*, quorum ingentem quidem numerum congeffit noster, et variis, iisque non raro curiosis nominibus insigniuit. Sic *Chezananze* epithema purgatorio scopo; *Isotheon Nicofrati* contra colicam, quod binis talentis vendebatur; *phoenix niger*, *phosphorus* etc. quibus praeter nomina, fere nil speciosi inesse videbatur. — Deinde vero lapidum et terrarum infinitam farraginem habet, omnibus fere, quotquot lateant, malis medentium: tunc enim temporis theoria emanationum ex Cabbalistica et Persarum Philosophia translata, ad physicam ipsam adhibita vsurpabatur, vt efflunia visum effugientia inde declararentur. Smaragdum inter innumeros alios lapides noster, ad grana aliquot, contra haemorrhagias commendat: Iaspidem subuiridem contra hydropem et inflammationem: vitrum ⁶⁶ ipsum contra calculos

⁶³ Chirurg. lib. II. Sect. 91, c. 98.

p. 438. ed. Chauning. Oxon. ⁶⁵ Lictaud. hist. anat. I.

1778. 4. 75. etc.

⁶⁴ Tetrab. IV. Serm. 4. ⁶⁶ Tetrab. I. Serm. 2.

los. — Martem ceterum, quem primus *Alexander Tralianus* intrinsecus adhibendum suavit, noster tantum extrinsecus abhibet. — Praeterea multus est in pharmacis, praesertim externis componendis et praeparandis, quorum mixtio et praeparatio nostrorum hominum potius risum et contemptum excitauerit, quam attentionem. Varia tamen his quoque admiscet simplicissima, quale est *Necbepfi* regis celebre illud, quod foliis cypressi uino tantum infusus constat. — Insunt ipsis medicamentis noxia multa, quorum praeter vitrum modo nominatum, vnum tantum *auripigmentum* hic memorare placet, quod contru phythisin variosque pectoris morbos ⁶⁷; et in pastillis aduersus dysenteriam commendat.

De actione salubri suorum remediorum at arcanorum nullus dubitat, licet explicari nequeat eorum actio. Eius aevi mos erat, *physisca* appellare ea omnia medicamenta, quae *ἀναιτωλόγητα* h. e. manifesta explicatione indigentia, simul vero maxime salubria essent. Sic *Aëtii* pice ⁶⁸ liquida extremum pollicem inficit, altera mann syncipitis capillos distendit, picem illinit: quo facto vuula lapsa statim in integrum restituitur. Sic dum praeparationem medicaminum docet, addit, hoc fieri debere nomine Dei Abrahami, Isaaci et Iacobi. — De his vide *Reinesii* notas in *Plinium Valerianum* varr. lect. lib. III. c. 4. v. 393.

Transeo denique ad *Aëtii Chirurgiam*. Is quidem chirurgus non fuit noster, qualis successor *Paullus Aegineta*. Nihilominus multa tamen habet memoratu digna, tum theoriam tum operationes chirurgicas spectantia. Cum totus fere esset in medicamentis praesertim externis, quibus

⁶⁷ Tetrab. III. Serm. I.

bus vel pertinacissima mala debellare audebat, observatio chirurgica haud magnos profectus ex ipso recipere potuit. — Inflammationem definitam, aut per singulas suas periodos descriptam incassum quaesieris. Auctor cognoscere non videtur aeternas naturae leges, quas resolutione, suppuratione, gangraena, tanquam sequelis inflammationis manifestat. Nam miram ex spuma argenti, ammoniaco thymiamatis, oleo pinus, castoreo, galbano etc. corradit miscelam, per quam praedicat posse et abscessus in pus iam degeneratos ⁶⁸ discuti. Vocat et emplastrum *Helladicum* ampleque circa hoc obiectum refutatur a ⁶⁹ *Freindio*. Alio tamen loco noster fusa signa exhibet instantis resolutionis et suppurationis, regulasque suadet, quibus pro diuerso statu tumores inflammatorii tractari debeant. Eo quidem modo empirica methodus cum dogmaticis regulis nunquam iungitur. In applicatione emplastri *Persici* ne pars oleo inungatur cautionem subiicit. Oleo enim poros oblini, diserte docuit Galenus, quapropter post balnea inunctionem *) praecipit. — Cauteria actualia et potentialia multa, sed tamen pauciora habet, Arabibus et Arabistis. Post *Leonidam* vult in asthma cauterium applicari, quod nostris quidem temporibus laudem meretur. Ceterum paracenteseos methodus, quam in hydropse proponit, haud spernenda videtur: coniungit enim eum cum ⁷⁰ vinciendis membris. —

Castra-

*) Vt potius debilitantem transpirationem impedirent, quam, ut dicunt, ut ita melius ex amplexibus contenditium elaberentur, veteres Athletae corpus inungebant.

⁶⁸ Tetrab. IV. Serm. 3. c. 14.

⁶⁹ *Histoire de la medecin* T. p. 32.

⁷⁰ Tetrab. III. Serm. 2. cap. 30.

castrationem suadet tanquam remedium vulgare in ⁷² elephantiasi, quod vero, idem sentiente ⁷² *Aretaeo*, neque nocere, neque prodesse docet. Ex recentissimis fuerunt, qui similitudine leprae et luis venereae seducti, in hanc operationem eademproponerent, quos vero refellit ⁷³ *Berenotti di Cigliano*. — Aneurysmata et varices fuscæ tractat, praesertim dum phlebotomiam incautam sequuntur. Eandem methodum subligandi proponit, quam et nunc ⁷⁴ adhibemus. Curam autem omnem respuere, dum ad collum oriuntur, sicut mulieres in partu non raro eadem subeunt. Strumae, quae sub iisdem conditionibus apud parturientes, aut a nisu quocumque violento oriuntur, neque resolutionem, neque exstirpationem admittunt. — Arabes quidem et hic auxilium a chirurgi manu exspectauerunt. Fallitur ⁷⁵ *Freindius*, qui *Abul-Casem* nunquam permisisse exstirpationem bronchoceles, arbitratur. Fuscæ idem de hac operatione ⁷⁶ loquitur; sed tamen in ⁷⁷ praefatione monet, caueant medici a laesione partium praesertim vasorum adiacentium. — Sterilitatis virilis singularem plane et non negligendam refert causam. Posse enim in lithotomia, non satis caute facta obtingere laesionem vesicularum seminalium, quae impediatur, si cultro secanti subiicias ⁷⁸ cannulam. — Artem cosmeticam cum chirurgica arte iungit ⁷⁹ *Aëtius*:
eo

⁷¹ Tetrab. IV. Term. I. cap. 122.

⁷² De causis morb. diut. I. II. cap. 13.

⁷³ *Del vario modo di curare l' infezzione venerea* I. II.

⁷⁴ Tetrab. IV. Serm. 3. cap. 10.

⁷⁵ l. c. p. 78.

⁷⁶ l. c. T. I. p. 226.

⁷⁷ pag. 4.

⁷⁸ Tetrab. IV. Serm. 4.

c. 23

⁷⁹ Tetrab. III. Serm. 2. c. 57.

65. et. aliis locis.

eo enim aeuo princeps ducebatur medici officium ευσχημοσιν
 νην curare, pilos denigrare, euellere, naeuos cutis tollere,
 qui mos per plura sequentia saecula obtinuit.

AETII SCRIPTA,

Operis principis titulus apud ⁸⁰ Photium, et in plerisque ⁸¹ codicibus est. βιβλίον ἱατρικὸν ἐν λόγοις ις. — In nostris quidem editionibus (excepta ea quae apud Aldum ad librum VIII vsque graece prodiit) diuiditur opus in quaterniones siue τετραβιβλία, quorum singula quatuor constant sermonibus. Haec diuisio fidem auctoris ipsius, Photii, et codicum non habet. Cum tamen in vno alteroue codice Cornarus eam reperisset, non multo post Aetium eiusmodi scribarum aliquis ita distinxit, qui et Platonis dialogos in tetralogias et Plotini dissertationes enneadibus ⁸² distribuit. Aëtius certe ipse suos libros in ordine citat, quo sequuntur, nullo habito respectu ad tetrabiblia.

Primum tetrabiblion continet simplicita medicamenta, ordine alphabetico enumerata, dein docet oleorum praeparationem, purgandi, vomitoriorum et clysmatum methodum generalem. Secundum tractat pathologiam generalem, febrium classes et indolem, deinde cerebri, capitis et neruorum affectus, oculorum, faciei et pectoris morbos. Tertium agit de ventriculi, alui, intestinorum, iecinoris, lienis, renum et vesicae, vteri et genitalium affectibus et rebus veneris, de morbo articulari et ischiatico etc. Quartum denique exponit de morbis venenatis de elephantiasiet et aliis morbis cutaneis, vulneribus

⁸⁰ Myriobibl. p. 566. Cod.

221.

⁸² Labbaei bibl. Msptor. p. 123.

Cat. codd. Msptor. bibl. reg.

⁸¹ Lambec. Bibl. Caesar. Vin-
 dobon. VI. 102. Paris. T. II. N. 2191.

neribus et vlceribus, porro de antidotis, recenset emplastro-
rum et vnguentorum copiam. Praeterea Aëtio tribuuntur co-
dices (a me statim laudandi) ⁸² *de rebus chirurgicis antiballomienis, ponderibus et mensuris.* ⁸³ *Synopsis Oribasii,* ⁸⁴ *de significatione expulsi, et* ⁸⁵ *de urinis,* de quibus vero aliquid certi definire ne-
queo.

CODICES MANUSCRIPTI.

Magna profecto codicum Manuscriptorum copia super-
est, quos, cum ipse nonnihil unum alterume, eum praecipue,
qui in bibliotheca nostra*) senatoria seruetur, viderim, aucto-
rum fide nunc recensebo. — Exstant ⁸⁶ in *bibliotheca Caesa-*
rea Vindobonensi Aëtii opera in IV Tetrabiblia diuisa. No. XVII
et cod. No. XVIII libri a IX ad XVI initio et fine carentes. ⁸⁷
Bibliotheca regia Parisiana, tot illa codd. Manuscriptis abun-
dans, sequentibus eminet huc pertinentibus: *) codd. No.
1847 et 1848. opp. integra, No. 1883. Aëtii Amid. rerum
med. libri duodecim, No. 2140. Aëtii rerum med. l. XVI, No.
2195. Aëtii Amid. rer. med. l. XVI. Vna cum libro sing. quo
de rebus chirurgicis antiballomenis, ponderibus et mensuris a-

D 2

gitur.

⁸² Montfaucon bibl. Msptor. p. 318. Cod. XII.

⁸⁴ Bandini biblioth. Medic. T. N. p. 153.

⁸⁵ Id. l. cit.

*) Fuit Codex, olim *Borharianus* tum *Gunzianus* denique *Hebenstreitianus*, libros a IX ad XVI. complectens, cuius vberiore descriptionem dedit *I. E. Hebenstreit* in praefatione *Tentamini philolog, medico* praemissa.

⁸⁶ vid Lambecii biblioth. acromaticam, St. Reimanni. Hanov. 712. p. 471. 72.

⁸⁷ Catalogus Codd. Manucri-

ptor. bibl. reg. Paris. T. II. Paris. 1740. Fol.

*) Codd. No. 1847. 1848. et. 2140. Silentio transiere auctores Catol. Codd. Manuscript. b'bl. Reg. Paris. In illo autem apographo de quo supra retuli (vid. nota 15) horum codd. var. lect. in primo Aëtii libro observatam, cum editione Aldina contuli, et veram et notatu dignam deprehendi. Quapropter illud silentium alia ratione explicare nequeo, nisi iste numerus, iis temporibus vbi in ordinem redacta est Msptornm collectio, fuerit immutatus.

gitur. No. 2192. Aëtii opp. ll. XVI. No. 2193. Aëtii opp. ll. XVI. No. 2194. inde a libro VI. ad XVI. No. 2195. l. V. — VIII. No. 2196. compl. ll. IX — XII. No. 2197. ll. XIII — XVI. No. 2198. Opera integra No. 2199. ll. a V — XV. No. 2228. Aëtius de febribus et de illarum curandarum ratione. (constat ll. duobus Demetr. Pepagomeneni manu exaratus) No. 2847. cont. Aetii fragmentum de Theodori Antidoto. ⁸⁸ Cod. No. 335. *Bibl. Coislinianae* Synopsis trium librorum Oribasii etc. Explanatio Aëtii Afnideni. ⁸⁹ Cod. No. 36. *Bibl. Cardinalis Radulphi* (quae nunc in regis aedibus Paris. seruatur.) quaedam habet Hippocratis et Aëtii. — Sic Bibliotheca olim *Pellicerii* Episc. Monspel; *Colberti* Cod. No. 2145. *Bodlei* cod. No. 749. *Isaaci Vossii* No. 2157. integros Aëtii opp. codices mssptos. habuerunt. — Asseruantur in *Bibl. Laurentiana Medicea* Codd. Msspti. Plut. 75. No. 5. a L. IX. ad XV. No. 6. ll. VI — VIII. No. 7. ll. XIII — XVI. No. 8. Aetii (?) tract. de diiudicandis vrinis. No. 10. excerpta med. Aëtii ab ult. cap. l. IX. usque ad cap. 69. l. XIII. No. 12. Aëtii Am. synopsis trium librorum Oribasii etc. No. 13. ll. a XIV — XVI. No. 18. ll. a IX. — XII. No. 20. Aëtii Amitini synopsis trium librorum Oribasii etc. Adnexa sunt a) „eiusdem de diuersis lapidibus „et fossilibus, et utilitate, quae ex animalibus percipitur, excerpta e simpl. Galeni etc. b) Eiusdem de gymnastica sermo „tertius c) Eiusdem quartus e libris Galeni de sanitate tuenda „d) Eiusdem quintus de febribus dignoscendis atque curandis „liber.“ No. 21. ll. a IX — XVI. In *Bibl. S. Martii Venetiis* ex *Bibl. Bessarionis*, codd. No. 1. F ll. VII. priores, No. 2. B. opera integra No. 18. Aëtius de simplicibus — In *Biblioth.*

Scoria-

⁸⁸ Manuscriptorum, quae in bibliotheca Coisliniana seruantur accuratam dedit descriptionem DB. Montfaucon Paris. 1715. p. 448.

⁸⁹ De Sequentibus videatur, qui fufius de iis egit I. B. Montfaucon biblioth. Manuscriptor. noua. in Paris. 1739. Fol.

Scorialensi cod. 1847. Aëtii Tetrab. IV. incompleta codd. 1848. 2140. 2141. 2688. Aëtii Amid. Opp. I. XVI. — Hi fere sunt, qui mihi innotuere; codices Manuscripti graeci. Parisinos quod attinet; retinere meam suspicionem nix possum, quin credum quandam ordinatorum codicum confusionem subesse eapropter, quoniam numeri Montfauconi et illius Parisiani catalogi non exacte sibi respondent.

EDITIONES.

Huic Manuscriptorum codicum multitudini non respondet editionum utilium typis impressarum paucitas. Princeps operum Aëtii editio eaque incompleta hoc titulo prodiit: Aëtii Antiocheni de cognosc. et cur. morbis sermones VI. (lib. VIII — XIII.) Interpr. Cornaro. acc. eodem interpr. de ponderibus et mensur. I. ex P. Aegineta Bas. 1533. In praefamine operi praemisso Aëtium medicum cum Haeresiarcha confundit, atque ita de vita eius paucis exponit. Multa etiam in hac editione occurrunt, quae melius possint transferri, ⁹⁰ ut ipse confessus est. — Excipit hanc vnica, quam ad hunc usque diem habemus graeca editio: Αἰτίου Ἀμνηδίνου βιβλίον ἰατρικόν. Τόμος Α τοῦτ' ἐστὶ βιβλία ἕκτωρ τὰ πρῶτα. Venet. ap. Asulan. et Aldum ⁹¹ 1534. fol. — Anno sequenti Io. Montanus casu codicem Graecum Romae nactus, in quo, quos Cornarus prius verterat, libri sex, desiderabantur; versis libris decem, suum opus edidit Bas. 1534. fol. et apud Aldum 1553. 8. (sec. Haller. Bibl. pr. T. I. p. 389.) In praefatione argumenta praeclara contra Aëtii antiquiorem aetatem a Cornaro defen-
sam

⁹⁰ In Galen: de medicam. nem completam expectabat. Herm. Κατὰ τόπους. apud Fabric. I. c. p. Conringius Introd. in art. med. p. 96.

321.

⁹¹ A. Renato Moreau editio.

sam profert. — Utriusque virilabores iuncti hunc in fronte titulum gerunt: Aetii Amideni, quem et alii Antiochenum vocant, med. cl. II. XVI. in III. Tomos diuisi, quorum I. et III. a *I. Montano* III. a *I. Cornario* latinit. donati sunt c. indic. copios. Bas. ap. Froben. 1535. fol. Recusa editio Bas. 1536. fol. (teste Hallero l. c.) — Paullo post insignis Cornari diligentia, ea quae vitiis adhuc erant contaminata, quaternionibus distinxit opera Aetii, limatiusque edidit, simulque crimina ab Oroscio sibi facta diluit. Basil. 1542. recus. Venet. in offic. Farren. 1543. Basil. 1549. [teste Haller. l. c.] Lugduni 1500. 12. In Stephani collectione 1567. fol. Denique in Halleri medicae artis principibus. Lauf. 1769. 8.⁹² — Aliqua de febribus ex Aetio prodire in collect. Veneta 1533. fol. alia de balneis ibidem 1530. fol. — Caput XXV. Serm. I. Tetrab. III. edidit Graece *I. C. Hornius* Lips. 1654. — Cap. XXVIII. libri IX. exhibens morbum tenuioris intestini, *I. E. Hebenstreit* Lips. 1754. 4.

COMMENTARII ET EMENDATIONES.

Cum *J. Brodae*i Notae in sex priores Aetii libros ex *Colomesii*⁹³ relatione, in *Is. Vossii* bibliotheca afferuata, nunquam in publicum prodierint, praeter *Christoph. Oroscium* [de Horozco] qui annotationes suas in interpretes Aetii, Montanum et Cornarum Bas. 1540. 4. curauit, et *Hugonem Solerium*, qui scholia⁹⁴ in duos priores Aetii libros edidit, nullus, ut mihi quidem videtur, inueniatur, qui Aetii emendandi explican-

⁹² Ferunt Aetium et a Pontico codd. I. S. Vossii p. 873.

Virunnio latine versum esse vid. ⁹ Prodierunt Venet. 1549. 8. Giorn. de litt. T. XXIV p. 277. et adiecta editionibus Cornari

⁹³ G. eius opera ex edit. Fabricii, in recensione Miptorum Lugdunensibus.

plicandique caussa monographum composuerit. Verum, qui aliud agentes, simul in Aetio emendando et illustrando allaborarunt, non pauci sunt, quorum praecipuos nominare placet. *Cael. Rhodighinus* in lectionibus antiquis Basil. 1542. fol. *Andr. Lacunae* ep. apologetica ad Cornarum (qua plures eius in interpretatione admissas hallucinationes exagitat) Lugdun. 1455. 8. *Donat. ab Altomari* in arte medica Lugd. 1563. 8. *Hieron. Mercurialis* passim in variis lectionibus Venet. 1598. *Adr. Turnebus* in adversariis Basil. 1581. fol. *Casp. Hoffmannius* in variis lectionibus. Lips. 1619. 4. *Casp. Barthius* in aduersariis. Francof. 1624. fol. *Zacutus Lusitanus* in operibus Lugd. 1649. *Io. Rhodius* in notis ad Scribonium Largum, ed. Patau. 1655. 4. Et, οἱ ἔσχατοι πρῶτοι, *Th. Reinesius* tum in variis lectionibus, Altenb. 1640. 4. tum in epistolis ad Daunium datis, Ien. 1670. 4. denique *Dan. Guil. Triller* in obseruatt. criticis, Francof. 1742. impressis.

T A N T V M.



THESES;

Summus scepticus, summus medicus

Vas portarum resorbet.

*Motus retrogradus fluidorum in vasis lymphaticis
locum habere potest in statu morbofo.*

Vomitoria abortum saepius auertunt quam mouent.

Morbi mentis fere semper ex corpore ortum ducunt

Luxus generi humano semper perniciosus

Nemo Poëtarum maior Homero.
